

Ban Sonlienh Fanhoiz Caeuq Cingjeleix Sawgeq Siujsoq Minzcuz Guengjsae Youq Namzningz Hai

广西少数民族古籍翻译整理业务培训班在南宁举办

7 nyied 21 hauh, Aen Cungsim Baujhoh Yenzgiu Sawgeq Siujsoq Minzcuz Guengjsae、Gvangjsih Gyauyuz Cuzbanjse youq Namzningz hai aen ban sonlienh fanhoiz caeuq cingjeleix sawgeq siujsoq minzcuz Guengjsae, aiq miz 50 vunz camgya. Baezneix cawjdaez son gij lijlun caeuq saedguh fanhoiz sawgeq Bouxcuenh、baenzlawz soucomz cingjeleix sawgeq siujsoq minzcuz daengj, gyoengq yozyenz lij saedguh fanhoiz cingjeleix、ganggoj doxlwnh. Mbat sonlienh neix vih doicaenh hong fanhoiz cingjeleix sawgeq siujsoq minzcuz gih raeuz, daezsang naengzlig vunzlai, haenqrengz vih hongsaeh sawgeq siujsoq minzcuz haiguh ngoenzcog moq ok faenh rengz ndeu.

(Maj Veiyunz/马慧蓉 Vangz Cing/黄 静)

► Boux cujyin Aen Cungsim Baujhoh Yenzgiu Sawgeq Siujsoq Minzcuz Guengjsae Veiz Yuzcu hawj vunzlai hwnjdangz.
Vangz Cing ing



▲ Ngoenz daihsawq, bouxguhhong youq gwnzsang guhhong.

Ginhsiu: Re Nditndat Buek Guhhong

金秀: 避高温抢工期

7 nyied 23 hauh, dwg ngoenz daihsawq, giz doxciep diuzroen gauhsuz Hocouh daengz Bahmaj laeng Ginhsiu, bouxguhhong cingq cacoemj gyamaenh gij hohbo henzroen. Haeuj seizhwng doxdaeuj, gih raeuz nditndat haujlai ngoenz, Ginhsiu Yauzcuz Swciyen gak aen dieghong baiz gak cungj hongcungj youq mwh mbouj hwng lai de guhhong, lij guh hozdung “soengq liengz”. Gyoengq bouxguhhong roengzrengz buekguh youq dieghong, cacoemj guhhong ganj gunghcwngz.

(Gauh Yuzginh/高如金)

Beixnuengx Yauzcuz Cigboq Gai Makmoed

瑶胞直播销售黄皮果

Mboengqneix, gij makmoed mbouj miz ceh laeng Aen Dieggiek Duzfunh Ndaem Mak Miz Daegsaek Mungzsanh Yen Cinzdangz Cin Mbanjcinzh dangz henj lo, beixnuengx Yauzcuz couh youq gwnzmuengx cigboq gai mak.

Geij bi neix, Mungzsanh Yen yawj dieg ndaem doengh gij mak ndei, mizmingz haenx, bang vunzlai demsou. Lumj Mbanjcinzh dangz seizneix couh ndaem le roek bak lai moux makmoed mbouj miz ceh, bineix gogo venjveve, aiq sou ndaej 600 dun mak. Bouxndaemmak dieg de youq ndawreih cigboq gai mak, moix gaen lij gai ndaej ngeihcib maenz ngaenz, makmoed gai ndaej bae, lij ndaej coenghhrengz saenqhwng lajmbanj.

(Gyangh Yungjluz/江永录 Dangz Canz/唐 婵)



▲ Beixnuengx Yauzcuz youq ndaw reihmak cigboq gai makmoed.

Lozcwngz “Sam Haeuj Mbanj” Fugshaeh Raeuj Sim Vunz

罗城“三下乡”服务暖人心



▲ Bouxgagnyienh fat swhliu gangj cwngcwz nungzyez hawj vunzlai.

7 nyied 22 hauh, Lozcwngz Mulaujhuz Swciyen guh hozdung doxchomz fugshaeh bi 2022 vwnzva gohgi veiswngh “sam haeuj mbanj” “angqchoux Ngeihcib Daih·ciengxlwenx riengz aendangj baenaj·buekguh roen moq”. Ngoenzde dwg ngoenzhaw, yienhciehngz vunz lai vunz daih, nauhyied raeuh. Hozdung miz vwnzyi biujyienj、lwnh cwngcwz、yawjbingh mbouj aeu ngaenz daengj, haenqrengz lwnhgangj le doengh gij gisuz dajndaem dajciengx、cwngcwz ik minz daengj, caiq gyamaenh gya’gvangq gij cwngzgoj gunggeng duetgungz, coicaenh lajmbanj hwnghoengh, angqchoux Ngeihcib Daih Aendangj.

(Liu Gvanghfuz/廖光福)